

*Das 7. capitel*

727

mich gar mit kleiner miner narung genügt hett / do stünd ein  
von dem volck uff vnd sprach Nun hören wir erst das du dis  
richs billich würdig bist do dir got so vil wylheit vñ vernunft  
verlyhen hat vñ das wir mit dir als einem wylsen künig versor  
get sind vns zü güttem Vnd got ist dir für ander getruw dan er  
hat dich mit on geschicht uff dis zyt her geschicht Dan du we  
rest luste dis rüchs mit empfähig worden vñ got hat mit dir vn  
sern nutz erfüllet Darumb wir jm billich lob vnd danck sagen  
das er vns mit dir also geert hat vñ da by stünd ein ander uff vñ  
sprach Wir sind schuldig got zü loben der dich künig über vns ges  
satze hat das dis ist allem durch sin ordnung geschehen vñ sag  
ich in der zyt miner jugent was ich by ein edel man vnd do ich  
man ward do beducht mich die welt vñ iren wolust züuerlassen  
vnd do ich mich abschied da bliben mit an minem lon vor zwen  
pfenning vñ ich gedacht den einen vmb gotz willen zü gebē vnd  
den andern zü mir notturft zü behalcken vñ sach uff ein marcke  
einen vogler tragen zwo turteltuben die er gefangen het Vnd  
gedacht es ist mit grösser verdienung gegen got dan der yemā  
vom tod erlösen mag vnd feilset die zwo tuben vñ do er mit die  
leid mit wolt vmb den einē pfenning gebē do gedacht ich löst  
du die ein on die andern so sind sy vō emander verwylsen vñ gab  
die zwen pfenning vmb die zwo tuben vñ trüg die uff einē wyl  
ten anger vnd lieh sy fliegen Die flugen hin vñ lassen uff eines  
boumes ast vnd do ich von in schied do hort ich das die ein zü der  
andern sprach yetz hat vns diser von dē tod erlöset vñ vns vnser  
leben vmb als sin güt das er vermocht erkoufft wir sind jm bil  
lich güttes mit widergeltung schuldig vñ rüfften mir wider vñ  
sprach Du hast vns groß genad erzöugt die wir dir schuldig  
sind zü widergelten Nun wissz das by der wurtzel dis boums  
ein grosser schatz ligt dahin grab so findest du Ich gieng zü dem  
boum vñ grüb vnd fand ein schatz vñ danckt got vñ batt in das  
er sy vnd mich vor allem übel behüt vñ sprach zü in so uwer ver  
nunfft vñ wylheit so hoch ist vñ darzū zwüschē himel vnd erd  
fliegend wie sind ir in disen strick gefallen us dem ich uch er  
koufft hab Die gaben mir antwurt du wylser man weist du mit  
das der flug den vogeln der louff der schnellē noch die sterckē den  
strütenden nicht verfacht allein die zyt der göttlichen ordnung  
beschlisset die ougen der lebenden damit sich kein creatur be  
waren kan wider das so jm vō göttlicher schickung geordnet ist  
¶ Hye hat ein end das fünffzehent capitel von dem künig vnd  
sinen gesellen Vnd vabet nun hyenach an das sechzehent Ca  
pitel von den vogeln Vnd ist von denen gesellen die sich vnder  
mander selbs betriegen;